



Iacobus ille natus est Selestadij anno millesimo
 quadringentesimo quinquagesimo primo. Ibi à
 teneris annis in optimis literis à Ludouico Drigen-
 bergio Vuestphalo educatus fuit. Postea sese Fri-
 burgum, atq; inde Basileam, Erdfordium, ac Hei-
 delbergam ad Academias contulit, & omnibus ijs
 in locis magna diligentia literis incubuit. Factum i-
 taq; ut in sacris literis, Iure pontificio, philosophia,
 atq; humanioribus studijs adeò progressus fuerit,
 ut in omnibus scientijs illis doctissimus haberetur,
 atq; bonarum artium Doctor, & S. Theologiæ Li-
 centiatus crearetur.